

呂明德先生文集

卷一
第十七册



呂明德先生

文集

本衙藏板



叙
昔人云讀出師表而不墮淚者其
人必不忠讀陳情表而不墮泪者
其人必不孝何言乎爾以言其真
也不則萬物皆假萬緣皆幻蕩而



為冷風飄而為寒煙變而為蜃樓
海市怪而為牛鬼蛇神何所不至
哉天下惟有真人品然後有真文
章衝口之所出信手之所至嘆卽
有氣痛卽有聲嘔卽有血一片真

氣使讀之者繚繞於心目筆墨之
間而不去吾明德先生忠孝性成
而尤深於理學其人為矚目其言
可衣被學業事功彪彪炳炳垂於
天壤迄今讀其全集奏疏則賈長

沙之痛哭陸宣公之剴切也語錄
則伊川之非禮不動紫陽之實踐
躬行也其他嘉言善行無非敬心
法古如布帛菽粟之可以日用常
行卽其發為歌詩屏去駢四儷六

綴花鬪葉之習如杜少陵離憂之
作皆忠不忘君也獨憾夫處不諱
之朝而當萬難之日中更讒阻不
獲竟用如告陵諸文其忠君憂國
迴翔進退反覆齟齬而抑塞憤懣

之氣鬱然不少衰變然卒以守城
殉節噫可嘆也先生一生守孔曾
戰兢十二字之心傳武侯鞠躬兩
語之實用且少失恃撫於牛太夫
人所依依孺慕終身不啻李令伯

讀是集者可以知先生真人品真
文章而忠孝之念可以油然而生
矣其有不墮淚者豈人情也哉吾
於是而知昔人之言為不誣也

順治壬辰仲春金門眷弟張鼎延

拜題中春金門眷象



叙言也事業日卑並

叙言也事業日卑並

聖賢修辭之道本於立誠誠積於

中而後發摠所得自然成文夫子

所謂言有物也三代以上無文人

非無文人也其德與功皆其文也

彼其言之有益則臯陶數語可配
神禹之烈而布之成章則周官洛
誥悉屬周公保釐之治績無他本
立焉爾厥後舍德而論功舍功而
論言故事業日卑述作轉猥有宋

伊雒二程子得不傳之緒於遺經
以公諸人始於孝弟而推之盡性
至命會微顯而通於一誠人乃知
文以貫道之指至今戶習其書而
盡忘所謂相視為譁世梯寵之資

已矣不有任重詣極之君子孰從
而振其末哉新安豫石呂先生生
中州理學之鄉非歲知學以道統
自任弱冠通籍潔已守官當宮府
壅塞奄寺釀亂公昌言無諱力止

屬車之媵遊戒近習之預政固已
微窺其漸矣由典選歷晉貳卿領
司陪計覈無名耗蠹刺大吏抗蔽
冒沒者使康之請召回監視內臣
並時論所躋即命董正洛師掌封

圻之兵甲時流氛馴熾楚豫交棘
舊京忭承平故事尚文恬武嬉公
獨廣盱長慮晨夜數軍實補闕更
謹烽候嚴走集并切言鳳泗園陵
備禦不宜單外請勅疆吏申儆設

守鞏護松楸已而中都鼓鑿不戒
玉衣震驚守臣卒從重典咸如公
言而繼公任者吳橋范公也一踵
公規條用靖南服人皆服公之先
識云公蒞官之暇恒倡鄉先生講

伊洛之學兢兢繩檢不遺人倫之
邇事為之迹而篤志力行以誠其
身為郡李官訓邵子孝弟詩詔誘
委巷為銓曹疏立身大戒狼狽為
友士規閔方俗狃於末失動不由

禮輯存古約言令可施於日用及
家食居洛紹中原文獻之傳益務
潛心釋經剔抉奧秘綜串孝經眇
旨編摩闡繹敷奏黼宸繕藏秘府
是正六書音韻之說如兩曜麗天

論著浩穰不名一家而皆本於克
己反躬精思勇踐之實蓋公之學
一誠為主誠則事有其物物有其
文故其建樹光輝峻潔與苟就功
者不侔形為訓詞精醇切摯樸茂

淵懿足當濟世之輪航匡時之藥
石可尚也已方今歷任四朝推鉅
人長德者必首公惜天不欲致太
平使真儒之用不究歟傳公者將
不在是乎偉業幸筮周行仰公風

采有素比竊祿南雍彌習公計樞
之政恨不親與下上乃論次其章
奏書啓各體若干篇而僭塵首簡
俾世之求公者因其文則其德與
功從可知也是為序

婁東吳偉業謹撰



叙

每覽明天啓間朱童蒙攻劾首善

書院講學諸先賢一疏歎爾時人

心淪喪若此天下事又安可言乎

時惟馮恭定公特救鄒忠憲公

十又

疏讀之使人欣然起舞今之講學者但知吾鄉有高顧兩先生南臯鄒先生而知關中馮先生者頗少至仗節死義從容赴難之大臣後之有志史學者直以忠義目之不

知其平日之篤志講學有見於性命之原者其道為甚危微非一日之大節可以形容擬議遂謂已得其生平也新安呂太傅謚忠節公馮恭定公友也恭定講學於京師

於關中忠節講學於中原於鍾山
學者翕然從風其意本之首善書
院諸先賢與我鄉高顧兩先生同
心唱和顧與馮鄒俱以壽考終而
高公呂公一陷於璫一陷於寇皆

從容盡節使天下曉然於平日講
學之實效可以塞朱童蒙輩讒賊
之口每竊聞其遺言忻喜踴躍如
置身諸先生講席間得與聞乎性
命上達之微言也夫孔子論志士

殺身之事不言義而言仁其指微
矣非同心之人相與平居講論得
共晰乎危微之理烏能臨難不苟
免哉東生也晚不及事忠節公而
我宗人孝廉瞻兮公實為忠節之

高第因得私淑焉然南北遙遠未
獲盡讀公語錄以為深念近幸得
交公次君叔玉屬東序其先集始
盡讀公著述益信向之所聞於講
席者不爽竊自慰勉焉叔玉性端

凝正直能文章成進士後益砥礪
 志節不愧公之令子故予樂與之
 遊每與談先輩講學之事慨然興
 懷因序忠節公集而并記之後學
 計東序書

康熙七年四月



序

古忠勞在國吾不知沓沓騫騫之
夫必震颺風於靜樹造碧浪於平
沙多計媒孽百方毛瑕使此人去
位而後已是為何心又不知此人

黃片
在位亦既任衆人所不能任為衆
人所不肯為何嘗汲汲我一人名
爵是念而若夫者流搖唇而鼓之
反若以名爵為此一人之重輕而
不顧海內有道之士紳與卒戍有

心有耳有口者之議是又何心且
不知此人去位果遂無盡忠致命
之一途而我受人官爵為人臣子
必不使當世有任事之人而國家
收臣子之效又是何心

黃戶
明德先生以理學起家為名臣其
生平所為大抵如范公稱狄懷英
為子極於孝為臣極於忠忠孝之
外可揭日月者由兗州司理累遷
吏部郎歷尚寶太常卿總南庾為

叅贊尚書在先生皆有卓績而在
國亦累有榮褒先生不可謂不遇
主國不可謂不好賢非但如漢文
帝之遇太傅誼已也下何率以中
讒去去而講學於洛以德化其鄉

黃序
人崇禎間賊氛倉猝起以山中司
馬帥子弟軍誓不與賊戴天以總
戎使者有攜志不獲靖効節死國
人奏其事聞上上嘉之謚忠節嗟
乎先生至是而始以忠節名哉在

庚樞時仔艱肩危何樂國家有見
忠見節之日而不得已而即見於
先生之身噫此孰為為之也韓昌
黎之賢可以化鱷魚之暴開衡山
之雲而不能使皇甫鏞李逢吉之

不謫陸宣公之忠可以使唐宗呼
陸九太子親王賀再見而不能使
竇叅裴延齡之不忘且嫉司馬君
實之正直可以肩輿入都堂婦孺
知君實而不能使章惇蔡京之不

刻為奸黨目為邪人先生之精誠
可以通文昌之靈收狂悖之雨而
不能使南州之訛言不興五年之
成勞不隳古今讒人高張不樂成
人之美不顧家國之安構言生事

變亂黑白至於如此甚可痛也所
著書多種非其告君章奏即其闡
發孝義與訓來學教子弟之言未
嘗挾藻摛奇如世人所為文章而
天地之正聲古今之大文歸焉余

司河南刑行部過先生里獲探其
全集為先生之子與所素受業諸
子不忍沒手澤依次年牒編而輯
之者余伏而讀之切謂大道長明
心燈不息世有讀先生教孝之書

不思所以為子盡忠之書不思所以為臣致知力行之言不思所以立身拯患周急之言不思所以為德其人真不可與通古今之際講食息之理也李剛稱鄒道鄉文章

有黼黻之容金石之聲黍粟布帛之用先生之文非其儔匹者哉梓而傳之誠是人心圭表也

肯

康熙癸卯三月既望安丘後學黃

黃戶
綬拜題

三月朔望英武學黃

黃綬
印

未
遲
印

較正受業門人姓氏

姚賡唐 都哉進士

石岳 天岳僉事

范芝 雲根僉事

李毓楠 千章進士

吳瑄 楚珩中書

丁泰吉 大來進士

陳治策 天目太守

張鑑衡 空平丙子
壬午兩科

徐琦 季韓

王琚 玉鳴進士
上俱洛陽人

張瑄 藍孺淮安太
守永寧人

孟瑛 比玉

袁應參 環居貢士

姜品高 仰止恩貢

黃基昌 心月貢士

郭允灝 朴心

孟璘 如玉恩貢

王澤弘 屏非孝廉
漳縣尹

韓趙璧 連城孝廉 辰溪縣尹

張裏繡 元質

孫起泰 內陽

孟大瑁 尹玉孝廉

陳恬 元冲

陳悟 元穎

郭希銓 莘子孝廉

陳榕 元熙進士

李朝陽 梧生

孟璫 佩玉

孟繼芳 馨池

孟繼思 孝則

王德 服遠 上俱新安人

楊士英 芝房孝廉

郭人龍 雲從貢士

郭玉衡 伯玉貢士

楊世燦 克容

胡沾恩 天霖

史彬 雲湘孝廉

王百春 建一

丁汝達 穎韜孝廉 上俱洛陽人

男兆璜 孝芝解州 刺史

兆琳 敬芝巳亥 辛丑進士

姪兆瑜 仲玉貢士

兆琚 季玉庠生

孫鴈 爾直增生

賁恒 文子虞貢知縣

履恒 視祥進士知縣 謙恒 六吉孝廉

復恒 中行拔貢

曾孫繼曾 緒曾

甥孫孟文恒 貞甫拔貢

郭嵩鎮 中峙增生

郭岱鎮

孫壻楊奕筠 詵子庠生

李若紘 公毅庠生

新刊

黃子

李

公

明德先生

自

明德先生文集

明德先生文集

明德先生文集

明德先生文集

呂明德先生慎獨堂文集義例

男兆璜全較述
兆琳

先太傅行實詳在諸先生所撰誌狀不敢復贅獨是

先太傅生平究心理學著作甚富所進呈有孝經

本義大全或問其行世有音韻日月燈奏議全集

存古篇理塵語錄等書另誌慎獨堂全集書目未

刻文集時經兵火歲久益散失不可復問不肖兄

弟痛心搜討不遺餘力或得之于宦遊舊地或得

之于戚友家藏或得于殘碑斷碣鼠齧蠹食之餘

明倫先生文集 卷之二
積有歲月錄至二十六卷僅存什一因梓而成集
嗟乎感音容之已邈幸手澤之猶存此不肖之罪
也亦不肖之幸也

孝經一書先太傅講究三十載晚年得力尤深先註
本義後注疏大全成上表進呈命下所司校正頒
行錄表第一

先太傅立朝惟期上不負天子中不負知己下不負
所學於天啟將登位時駕欲幸小南城立請止之
奏近寺不許干預政事一時爲之動色及逆璫煽
煽言如左券特立不倚幾中危禍家居七年嗣崇

禎御極特起田間陳防微八漸及聖德聖學蒙旨
虛受一時有喜起之風南庾匱乏持籌釐剔省國
家數百萬金錢養東南數百萬民力至南兵空虛
綢繆未雨以重根本之計噫心血俱枯矣錄奏疏

第二

先太傅嘗云人臣服官應以國事當家事做每有利
弊無不加意條畫居官則有兌軍漕運兵餉鈔法
諸議居鄉則有折漕鹽車救荒諸議至議闕里議
請諡無非羽翼聖賢繼往開來之意錄議第三
推重名賢稱揚碩彥凡有嘉言嫩行政蹟堪傳必力

爲延譽次贈序第四

著書如孝經音韻等集久已懸之國門而庾樞奏疏督儲三約河運條議及講會語錄皆有關經濟學問無不悉其本末序而行之次書序第五

表章孝經繼孔子二千載之道脉心傳芝生十八莖于庭記孝感也修葺南庾三十六倉五場記政績也卽有一二登臨夢遊之事亦皆寓有微意錄記

第六

集中傳僅存四石隱居傳傳其志也孟雲浦先生丘方山張抱初傳傳其人也重之亦慎之也錄傳第

七

千古以下之人爲千古以上之論皆識力請願之所至也中丘城外石刻有郭巨瘞子事頗不經曰巨直好名者也非孝子也作巨論賈長沙江都議者紛紛或惜賈生之才不見用而嘆董子之儒效不彰故反覆稽考以爲論人三代而下未可輕非之也然問所安則曰姑舍是作二子考紀論第八考第九

閭里屢遭奇荒甚至骨肉相食先王父賑粟活人無算邀恩封卹有加先太傅孝承先志深爲惻痛捐

粟棄產以贍親族首爲檄以勸義錄檄第十

聞之家訓云學最難於榮枯理莫切於人情故旣作

貧賤非道說又以欲富貴惡貧賤廣之修葺倉場

旣有記以書其事又爲圖說以紀其條悉救荒一

策爲說屢矣痼瘵一體至弗能已錄說第十一

太倉庚午興工壬申落成其間備極經營各有告文

當留樞告本部土地卽以赤心報國銘諸座右亦

可見先太傅之大槩乃熱心冷面卒中時忌果以

一去快夙怨矣告

關帝

孝陵 兩文實爲國事氣運而云然豈止屈原離

騷徒抱去國之憤耶母病乞代出于至性以至求

雨瘞骨無非錫類之仁祭孟雲浦誅曹自梁兩先

生蓋斯文未喪吾道誰屬其有人心世道之慮乎

錄告祭文第十二

古昔先民每以兢業傳心故箴興於補闕銘出於自

警列箴銘第十三

道統之傳由來已久守先待後繫誰之任各繫以贊

非徒景仰亦誌薪傳胡子有贊孟先生有贊紀往

哲也誌辛終州亦嘉與來學之微意錄贊第十四

書啓往來非與諸賢講論理學卽與當事商確利病

明德先生文集 卷之二
其大有關於國事近有切于民瘼如上相府以議
聖壽儀節請折漕救荒以全孑遺爲慮至深切矣
一切應酬不載次書啓第十五

簿繇爲南庾會計序以紀政也修館署清蕪稅劄比
四南樞非無兵也無實用先太傅有云兵無節制
不如無兵爲條約簿繇扎約紀次第十六

稱述先德後人之責乃溢美太過其奚貴乎先曾祖
母牛太夫人以節旌先祖仁孝公以孝旌又以賑
濟活人贈右都憲不以子貴而以義旌特典也郡
縣從輿情崇祀鄉賢爲述爲卷爲乞言爲文紀家

乘第十七

士戒七則勗士以自勗若夫本儉以勵俗諭子以嚴
訓署聯偶記無非學也紀雜著第十八

志墓之文難言矣先太傅曰誌記年代表揚盛美若
諛與誣吾弗取焉墓誌表第十九

集中惟詩最少風雲月露之詞固所痛絕卽間有題
詠聊以寄意惟警學十首感遇十二首南庾十九
首爲生平苦志幸存本色錄詩第二十

孔曾旣遠聖道日湮先太傅曰學不講爲書筭講不
行爲說鈴又曰講學不爲人非笑是鄉愿講學不

明德先生文集 卷之二
到非笑我者終心服是鄉人故所在群講會四方
負笈從遊者各奉約自勵時遂日以講學聚徒幾
罹黨禍及南樞致仕六載居洛發明孝經以大擴
孔曾十二字之傳芝泉川上有會語孝經軒慎獨
堂有語錄及寄弟書語伊洛問答講易紀錄爲斯
集之大成以次卷終使讀是集者知先太傅以孝
爲學事君事親立身行道之槩如此此不肖之所
泫然流涕以請且於

海內有道君子

慎獨堂全集注疏治績會錄字學雖經兵燹猶有存

書惟未刻文數篋散失殆盡而奏議書啓獨全前
庚辰歲

吳梅村先生爲南大司成曾經手訂且爲之序久矣
藏之笥中以付剞劂嗟乎先生海內宗匠茲集賴
玄晏以傳斯文知己感且不朽至先太傅殉難之
二十三年而郡司理

復野黃公盡取而讀之叙次之餘心契至深乃形諸
夢寐每語不肖兄弟謂書不廣傳不可以守不肖
感愧汗下而苦力不逮及張藍孺妹婿出守淮上
貽書相勉璜以一官匏繫竭清俸不足復與弟琳

益以稱貸匍匐捧書走千里藍孺退食之暇相與
手較時浦子甄玉張子慶餘共為訂正始得成書

回念

張年伯弁序言于前今藍孺又竟業于後捧讀之下
感愧滋深矣文集年譜諸書始于河洛受業諸子
參訂二十餘年于茲誼不敢泯竝列尊字于右因
歷叙是集本末且以誌不肖之負疚賴知己相與
有成如此時癸卯中秋日璜沐手敬識

呂明德先生慎獨堂集總目

卷一之五

表

疏

卷六之七

議

卷贈序

卷八之九

書序

卷十之十一

記

狀

傳

卷十二

論

考

檄

說

卷十三

告祭文

箴

銘

頌

贊

卷十四之十五

書啓

卷十六

簿繇

劄

條約

家乘

卷十七

雜著

墓誌銘

墓表

卷十八

樂府

五言古

七言古

歌行

五言律

卷十九

七言律

卷二十

排律

五言絕句

七言絕句

集詩

卷二十一之二十二

卷會約

卷二十三之二十六

語錄

附錄制藝

全城定變記

明德先生文集目錄

卷之一

表

進孝經表

疏

恭進孝經疏

敬陳表章疏

再陳表章疏

三陳表章疏

四陳表章疏

五陳表章疏

補陳表章孝經四翼疏

七陳表章疏

付託甚重疏

矢三不負疏

泰運將開疏

明德先生文集卷之一

進孝經表

原任叅贊機務南京兵部尚書臣呂維祺恭以所

撰孝經本義二卷大全二十八卷或問三卷謹

樂奉

表稱

進者伏以

王化風行象夫巽教孝已敷菁莪

帝心虛受法乎咸闡經不遺葑菲

聖四表之光綴五典仰



明倫先生文集 卷之一
聖謨之孔彰

一人之媚祜萬年矢嘉猷而入

告經繇孔曾面授道接堯舜心傳敢獻愚忠敬陳

睿覽臣維祺誠惶誠恐稽首頓首竊惟義一畫以開天

範九疇而錫極關雎麟趾之意輝映周官五禮六

樂之遺躋馭漢簡明德率性猶存泗水之微言二

論七篇誰窺杏壇之奧旨非春秋奚存王迹惟孝

經乃統聖真會五經四書之指歸垂千聖百王之

模範道必待人而授及門群彥推參獨得其宗教

必本所繇生百行殊名惟孝實居其首故以至德

要道爲本乃見天經地義之尊愛因親敬因嚴天

地之性人爲貴則而象畏而愛孝弟之至神可通

大哉孝乎文在茲矣是以修經卒業獨標志行之

靈垂老談經直傳德教之訣意

明王南面而治布

王化所最先猶

上天北斗之樞答

天心而告備淳風旣邈正學隨荒思孟方極力以廻瀾

羸斯遂乘權而煽焰偕六籍以灰沒踰貳紀而雲

蒸幸存顏衣重開孔壁自河間獻王之奏業通曉

明倫先生文集卷之一
於薦紳先生經中壘較尉之編遂傳布于期門子弟雖漢唐代有表章之舉而朝野未聞禮樂之興然光岳積儲道如懸而不絕豈維濂後起機有開以必先胡平章任曲學之儒每憑臆以自用致經筵缺進講之例遂束卷而不觀窮理通人微存刊誤未定之筆明謨元老莫施引君當道之方羽翼殆數百家理解僅二三種多分經列傳而謬附且是古非今以紛爭訓詁半屬師心增改皆同食耳睠彼勝國迺有鈞滄謂二千載聖人精華必發明王之夢期五百年

王者興起當弘孝治之風肆我明興聿崇經學洪惟我太祖高皇帝生知出類神武統天註洪範以新萬世之平成宣孝鐸而揭大明之日月我

成祖文皇帝聖學纂心法經書集大全製孝順事編以樹倫物之範著文華寶鑑以養皇儲之蒙我

宣宗章皇帝御書首重五倫臣鑒折衷歷代我

世宗肅皇帝郊社一秉於周禮宗祀特秩乎

獻皇我

光宗貞皇帝純孝性成稱一月昇平

天子至仁天縱允萬古有道

聖人然孝經未布學宮卽士紳曷知標準幸

聖政方崇教化從經書獨會本源

上天之微意若留千載之盛事如待恭惟

皇帝陛下

聰明剛健

孝友中和

日旦群陰消狐鼠識太平之氣

聖作萬物睹風雲奮至德之光

制節謹度以凜

萬幾

夙興夜寐而勤

召對

明察致敬答

天地所尊所親

德禮修身講

帝王大經大法

聖不自聖錄諍臣以屢

詔求言

調刑期無刑教謹身而時軫

欽恤

月德先生文集

卷之一

表

四

禳災側身釋繫沛禹湯下車解網之恩

臨軒論相遴才修唐虞敷奏明試之典乃猶

布告中外

命學官士子通習孝經蓋欲

啓迪臣民俾薄海馮生悉知政本監于

先王成憲在此至聖遺經始事親中事君終立身念爾

大祖而得歡萬國盡愛敬加百姓刑四海慶

一人以允賴兆民

思孝子致敬致樂致憂致哀致嚴篤孝思而維則

念君子可道可樂可尊可法可度建

皇極以錫疇大

闡聖宗屢灑

宸翰

龍文掩映天開七曜之輝

鳳札飛揚瑞奪五雲之色矧茲吉祥善事幸際迪教元

三儲保

泰運以方亨紫電遶

重離之照端

蒙養以作聖丹霞垂

出震之祥宜沃

天性之良

聖以孝而傳孝用資

修德之助學日新而又新立身行道揚名顯親孝子

不匱博愛敬讓德義禮樂孫謀永貽屬以

三加禮成愈篤

終身孺慕册崇

顯號揚

太妊太姜之慈徽

恩布普天暢

善繼善述之大孝際斯

聖朝曠典亟望

君子反經第聖經久當殘廢之餘非

王言孰立尊信之軌宿儒尚犴岐見後學安所適從况

小學集註既頒且

六諭訓解廣布而猶載渙

宸諭遡固本厚生之源更復實課師模醒誦讀力行之

要此誠

明王孝治之會宜廣

先王化民之心臣學愧賈生望慚君實恰受屨于伊雒

頗知山仰邵程曾筮仕于龜蒙妄意管窺洙泗蒐

羅父而臆撮其要沉潜深而心會其微蓋當東山
歸省之時已加箋訂更于南庠視政之暇謬效編
摩本義初成大全繼纂總明作經之意非專言乎
庭闈尤重敷教之原必立極于

天子服其服言其言行其行非曰能之教以孝教以弟
教以忠固所願也兩書業告成于乙亥或問復詳
辯乎戊寅畎畝不忘

朝廷每惓惓于報稱謂前此如長安學堂世獻所
資藩墻皆置筆墨幾矻矻以窮年聊殫作述之蹄筌微

化理之涓滴研丹鉛而抱槩豈青藜分太乙之精積縹
緗以充囊值

紫禁煥下其書中置八前星之耀赤虹黃玉竟不燼于秦灰蝌蚪竹絲恍猶
存乎魯壁安得一詞襄

泰祉愧非半部佐
豐亨積二十年之葵丹心終向
日集十八章之竹素志在回

天剽芸架之酉藏點朱分
金盤之露塵

明倫彙編 家範典 卷之八 表
楓宸之...
天乙夜汗青惹...
日玉爐之香伏願...
法舜夔夔...
師文翼翼...
暢遺旨于言...
執大本而經正民興...
參三才貫其中謂人之...
王王者無私合...
天地神明以效順...
天之

分一極身其統為

天之

子子止於孝聯盡忠補過而相親

會孔曾之授受見諸行毋為空言之託

本堯舜之孝弟施於政必廣錫類之仁

文武聖神以光天首敦

親睦

祿位名壽而受命必本

克諧

體兢戰淵冰之微言傳聖賢大孝心法

順愷悌父母之至德培聖訓大業必成
帝王有道靈長快睹

車同軌書同文行同倫過八百年猶綿
駿業會見

日重輝月重輪海重潤歷億萬歲益振
鴻猷臣無任瞻

天仰

聖激切屏營之至謹奉

表恭

進以

聞

恭進孝經疏 居洛

奏為恭進孝經本義大全伏祈睿斷頒布以羽翼化理
 事臣聞宋儒蔡沈言二帝三王之治本於道二帝三王
 之道本於心臣以為二帝三王之心本於孝昔堯親睦
 而時雍舜齊栗而風動禹致孝而祗台罔距湯思孝而
 肇修人紀文武止孝達孝而汝墳遵化四海永清大哉
 孝乎天經地義神明四海一以貫之世入春秋孝治之
 道邈焉孔子刪述六經筆削春秋復作孝經者蓋所以
 會六經之指歸繼帝王之道統以明治天下之大經大
 法端在乎此漢唐宋雖代有表章然止設科取士而猶

未深知其爲興道致治之本也我

太祖高皇帝首論孝順父母成祖文皇帝御製孝順事實凡我列宗皆崇孝行然表章頒布千秋盛事猶闕以待我

皇上之善繼善述爾而我皇上仰法二祖列宗躬行孝道以明教化故加意聖祖六諭孝經小學以爲化民成俗之本今六諭解註小學集註頒矣至孝經有孝經全不講究之論孝經委宜表章之旨孝經着學臣嚴飭誦讀力行考試一體命題之旨頃於本年五月內又將聖祖六諭小學孝經果否遵旨通行講讀考試撫按年終

彙奏該部詳加甄別以憑黜陟之論而適與尊崇聖母徽號之恩詔會是

皇上躬行孝道表章孝經至矣而尚未頒發定本坊刻舛誤不一士雖留心此經莫知適從故頒發萬不容緩也臣潛心此經二十餘年不揣愚陋僭著本義二卷大全二十八卷蓋求合乎孔曾相傳之心法與明王孝治天下之大經大法而不規規於訓詁事親一節第世狃錮習宗旨未明復僭著或問三卷所以釋群疑而明大意謹繕寫成帙恭撰表文一通附卷首以進伏祈皇上深維孝治之本曲賜乙夜之覽倘一得可採祈勅

禮部覆議頒行以爲羽翼化理之助臣惟願我
皇上早奏明王孝治之效以建中興第一事業同符

二祖光顯未聞其書其問三卷也以其書而問大
列宗臣當與父老子弟共歌咏聖化於無窮已臣曷任
激切待命之至崇禎十二年九月十七日奉

聖旨這所進孝經有裨治理該部會同翰林院再加較
正詳備具奏

敬陳表章疏 居洛

奏爲敬陳表章孝經八要以課實責效事項臣恭進孝
經本義大全等書復具八要一疏蓋嘔心條議欲課實

效而通政司新奉限字嚴旨未敢封進微臣愚蓋尚鬱
該部看議笑憑敬遵旨分疏補牘再請臣惟帝王致治
之本惟孝爲先孔曾相傳之宗此經爲要非天子孰敢
考文惟大孝斯能建極宋臣尹焞曰孝經非堯舜大聖
不能盡先臣王禕曰是書有關世教甚重豈曰小補我
皇上仁孝聰睿超出千古帝王之上而崇重孝經爲第
一經卽興舉孝治爲第一務想聖心深契必不止出題
誦習已者誠自聖躬以及教儲睦族自朝廷以及鄉國
郊遂自官僚以及介冑氓庶無非孝之一道包羅無非
皇上之一孝感通將見道貫三靈功苞萬象動天地而

明倫彙編 家範典 卷之十一
降休徵感鬼神而昭景福其功效可勝言哉抑臣謂此
非人之所能爲也天也昔元隱士釣滄子嘗言聖經安
得竟廢不行五百年必有王者興嗣是必有明王振作
是經者考宋罷孝經今適五百餘年乃知天意若闕留
之以待
皇上之興起之也契十八章未墜之微言明二千年久
晦之大義闡遺經而揭日月崇正學以新乾坤明王孝
治之烈自我
皇上始闢之故曰天也非人所能爲也臣受恩深重所
以礪愚忠甘勞怨以事

皇上者惟一部孝經而已舍誠正別無學術非堯舜何
敢陳前故願

皇上以明王孝治之道治天下蓋決之天意有默屬焉
爾伏祈勅部將臣八要另疏詳議舉行庶孝治可立見
於今日而屢論不至託諸空言矣崇禎十二年十一月
十二日奉

聖旨該部知道

再陳表章疏

奏爲再陳表章孝經第一要事臣惟表章八要首在一
皇上躬行大孝故其一要曰進講經筵以樹模範蓋天

明倫彙編 家範典 卷之一
子之孝與臣下異而一要曰盡
皇上之大孝又與三代而下之帝王異何者臣下以一身一家爲孝皇上以興起天下之孝爲孝也三代而下以試士爲表章

皇上大孝以樹模範奏孝治爲表章也先臣丘濬有言人君肇修人紀愛敬旣立則家國天下無不感化我皇上聖繇天縱孝本性成嘗諭臣下曰朕不敢與立民天地祖宗並此不敢之心大孝也充此心以敬天仁民錫類不匱當深居燕閒時披閱孝經詳玩意義仍命儒臣進講經筵詳加啓沃於以立愛敬而興天下之孝樹模範而奏孝治之化道豈遠乎哉

太祖高皇帝曰孔子明帝王治天下之大經大法以教萬世

成祖文皇帝曰人君之孝與庶人不同又曰朕宮中恒觀書深有啓沃此誠

皇上之所當法者然世儒之言曰今天下貪欺成習兵食告匱流土交訌何汲汲於此臣以凡此者政繇教化之未明人心之未正反經之未實故也矧一代之人心風俗聲教德化皆繫於人主之精神好尚蓋上之精神天下之所繩從而鵠望也如東漢之節義唐之詩賦宋

明德先生文集卷之一
之理學風教所樹人心景從况
皇上精神所注首以孝經立之繩鵠而天下有不翕然
丕變者臣不敢信也孔子曰吾志在春秋行在孝經誠
行孝經於今日之天下使天下之服習孝經者皆願爲
忠臣孝子皆欲實爲朝廷任事豈復憂貪欺憂兵食憂
寇賊何者得其本故也得其本而凡古明王之以孝治
天下者其道皆可該也愛敬盡而德教立即察天地通
神明光四海一以貫之矣崇禎十二年十一月十二日
奉
聖旨禮部知道

三陳表章疏

奏爲三陳表章孝經二要三要事臣旣以孝治歸本

皇上躬行大孝爲第一要矣其次則教儲睦族皆

孝治之最大者是以敢次第言之二要曰東宮講習以
端儲教三要曰頒諭宗戚以敦親睦何以明其然也臣
聞太子天下之本儲教致治之原我

皇上加意豫教命太子出閣講學所以端軌樹範養正
作聖無不肫摯臣以爲尤必先教以孝蓋孝德之本教
所繇生使太子當蒙養時卽知問安視膳温清定省而
預啓迪之以舜之大孝文之止孝武之達孝如孝經一

明德先生文集卷之一
書更當朝夕溫習諭令儒臣開導講解以爲異日孝治
天下之本昔我
太祖高皇帝曰爲太子者當知敦睦九族隆親親之恩
我
成祖文皇帝曰皇太子當進學之時欲使知要庶幾將
來太平之望我

仁宗昭皇帝諭楊士奇等曰東宮開講筵當以大經大
法進說此非我

皇上之所當法者乎臣又聞堯典曰克明峻德以親九
族九族旣睦平章百姓若是乎大孝之先篤親也昔我
太祖高皇帝諭秦右相鄭九成等曰朕封建諸子選用
傅相凡與王言當廣學問陳忠孝使其聰明無蔽上下
相親我

成祖文皇帝賜蜀王書曰敦孝循理好學不倦勉自愛
重用副所懷又曰國家篤於親親宗室謹於禮法共保
富貴令聞長世此又非我

皇上之所當法者乎我皇上篤念宗親備極優渥而頃
又允閣臣楊嗣昌之奏申諭諄切加以勅獎誠諭可謂
仁之至義之盡臣以爲當頒孝經於各王府宗親俾各
服習體認以成

皇上親睦之仁至於戚臣一體頒諭宗學一體試題仍
乞諭令選舉換授必以敦孝行通孝經爲本庶孝愈篤
於本支義共固於維城矣

皇上旣自身而家繇是自家而國而天下修齊治平之
本裕如已伏惟

皇上睿斷施行崇禎十二年十一月十二日奉
聖旨禮部知道

四陳表章疏

奏爲四陳表章孝經四要五要六要事臣惟

皇上端孝範於上而以孝正元儲之養蒙篤九族之親

睦矣又其次則揆文奮武宜弘薪樞之運而醇菁莪之
化也故四要曰頒行試題以驗習學臣聞孝爲百行之
原孝經統六經之會

皇上加意此經業命誦讀試題矣然該部原疏但云將
孝經小學間出論題耳合無責令兩雍省直師儒學官
凡遇舉貢生儒考試炤經書出題作制義如解卷無孝
經制義以不職論昔

太祖高皇帝謂教化之道學較爲本宜講論聖道使人
日漸月化

成祖文皇帝謂學校風化所係在上人之作興之耳則

皇上仰法二祖教天下以孝作忠者道必本乎此也五
要曰鄉會出題以隆大典臣聞漢唐以來率用孝經取
士如漢置孝經博士唐以論語孝經孟子爲一經宋尚
書省加試論語孝經其來已久自王安石黜孝經貢舉
遂不以取士矣今制鄉會試初場題例以四書三篇經
四篇合無勅令習本經者皆通孝經遇鄉會試令出孝
經題一道例於四書後本經前減本經一篇卽自十三
年會試爲始

成祖文皇帝曰孝經者聖賢之格言大訓

宣宗章皇帝曰設科求賢願得忠孝之人以資國用朕

之心亦如此則

皇上頒行孝經成

成祖

宣宗之志此正繼志述事之大孝也六要曰頒諭武士
以明大義臣聞宋儒程顥看詳武學制添習孝經曰欲
令武勇士知義理故東漢時有令虎賁士習孝經者有
令期門羽林通孝經章句者而我

成祖文皇帝曰申明武學嚴其課讀毋爲文具

孝宗敬皇帝曰公侯駙馬伯子孫令讀書習禮將來朝
廷庶得世臣之用伏祈

皇上諭頒孝經於天下武學其考試必間出孝經題目其武場鄉試會試亦一體出題至公侯指揮世襲等官子孫承襲必間抽孝經一二段令背誦講解通者方許承襲庶干城腹心之士猶有敦詩書悅禮樂之風焉統惟皇上舉行以光文武薪樞菁莪之典崇禎十二年十一月十二日奉

聖旨禮部知道
五陳表章疏

奏爲五陳表章孝經七要八要事臣旣陳表章六要夫如是皇極建而元良貞一本敦而群策儲矣然而辟舉不真風俗不醇雖欲復古孝治猶未也故次七要曰辟舉真孝以勵士俗臣聞漢辟舉孝廉猶爲近古我祖宗朝尤加意行之

太祖高皇帝曰爲國得寶不如得賢又曰但嚴舉錯之法則冒濫自革

宣宗章皇帝曰務選經明行修之人不得濫舉皇上旣命復辟舉矣然必深明辟舉之首重乎孝使天下知上意之所重然後可挽澆俗而於變耳合無勅令撫按遵奉新頒聖諭每年終類奏各舉通習孝經孝友廉讓者無論紳衿隱逸多不過三人有奔營濫舉者連

明倫先生文集卷之一
坐其提學考較巡按出巡聽酌舉真孝徑自獎勵優賞
如黃香扇枕溫席而舉授榮親王元規著孝經義而詔
舉高第皆其遺事也終八要曰諭俗講解以正民風臣
聞化民成俗以孝爲先
太祖高皇帝曰風俗本乎教化教化行雖閭閻可使爲
君子

成祖文皇帝曰近俗簡於事親此蓋教化不明之過合
無勅令天下府州縣官於講鄉約時先宣

聖祖六諭間亦講說孝經務令通俗易曉以化鄉愚凡
塾師教習處皆頒孝經一部命誦習講解其士民杖笞

小過果能背誦講解明白者亦准寬宥如司馬光講庶
人章以誨父老真德秀作庶人章解以化泉民又如王
漸誦孝經義而鄉里慚謝韋景駿以孝經化貴鄉而母
子感悟皆其成效也總之表章八要以朝廷爲萬國之
倡以士大夫爲四民之倡以撫按學官爲紳儒之倡俾
天下皆講明正學實敦孝道如此而期月之間紀綱粗
布行之三年有不成教化變風俗裕兵食再火之而有
不復

祖宗淳熙之化舞干兩階幾致刑措真才輩出輔德翼
治者乎帝德巍煥不識不知而順則王道蕩平無黨無

明倫彙編 家範典 卷之一
偏而式度斯文未喪至孝通神惟在我
皇上獨斷而實行之焉崇禎十四年十二月十二日奉
聖旨禮部知道講讀已有旨了

補陳表章孝經四翼疏

疏成未上食再入之而首

奏爲補陳表章孝經四翼以備採擇事客歲臣恭進孝
經奉 上大夫爲四翼之學以無對學古爲餘謝之辭
聖旨這所進孝經有裨治理該部會同翰林院再加較
正詳備具奏欽此臣復續陳表章八要俱奉 貴澤而世
聖旨下部議覆矣茲閱邸報禮部題爲科場屆期等事
奉 聖旨下部議覆矣茲閱邸報禮部題爲科場屆期等事

聖旨孝經章數無多若更定一題易于揣摩打點這會
場七題還仍舊或于科歲二考間出以觀士子學習條
欵嚴飭行欽此謹恭繹明旨補陳四翼一曰定本頒發
宜蚤我

皇上加意孝經命科歲出題以觀學習矣坊刻非無孝
經但舛譌不一有僞古文加題名者有傳會分傳者有
增減字句改移章次段落者士子學習安所適從故頒
發誠不可一日緩也二曰科場試題宜酌奉旨謂章數
無多易于揣摩仰見

皇上隆重孝經慎誌制舉至意臣愚謂孝經逐句出題

誠少若比類推擬以長短搭截章節句段之題通計之
不下千餘道揣摩豈易益非科場出題無以鼓舞人心
變化士習在漢唐尚能設科豈聖朝終成闕典且仍舊
云者似止就今會場論非阻後來科場表章之路也三
曰聖經闡翼宜隆臣聞漢唐宋謂孝經章數不多故有
附論語或附孟子爲一經臣謂孔子作孝經以垂憲萬
世直當孤行於世何必他附倘必存乎見少請以孝經
附大學便益四書記孔子問答之言五經孔子所贊定
筆削者獨孝經與大學聖經其所作也若以二經合而
名之曰孝學使天下知孝與學非二物孝學與治天下

國家非二事每科首出孝學一題次出論語中庸孟子
各一題次出本經三題豈非千古盛事自

皇上始乎四曰臣工激勵宜切我皇上教臣下廉毋貪
活毋競蕩平毋黨實心任事毋欺飾而臣下未然者豈
免而無耻與抑忠孝之本未講明與宜頒孝經於大小
文武內外臣工使朝夕捧誦講明體認如是而尚不廉
不恬不蕩平不實心任事是爲不忠不孝無耻之尤者
三尺何辭此臣補陳四翼與前八要等疏互相發明總
以成

皇上隆重慎愆至意伏惟

聖明採擇施行臣何任瞻仰待命之至

七陳表章疏 疏成未上

奏為七陳表章孝經六便七益併擬試題以重科場首
務事臣前疏以孝經科題與大學中庸或合而同出或
總而間出或另而專出請
聖裁矣弘表章之盛舉光取士之大典蓋有六便又有
七益何謂六便孔子一生止作此二經一也二經皆曾
子筆記二也文法義理相似三也聖門道統賴此二經
之傳四也使天下知孝學非二物孝學與治天下非二
事五也國制科題大學序論語前中庸序論語後今孝

學相合首出一題不致前後參差六也何謂七益使天
下首務講明忠孝之義一也使士子顧名思義知經書
之源設科之意首重忠孝二也舉世皆尊崇孔子顧獨
淺近其自作之經千古曠典自

皇上舉三也孔子明二帝三王之道本於孝

皇上傳二帝三王之孝本於孝經四也自皇躬以及天
下國家無非一孝所貫皆自表章孝經始五也漢唐猶
以孝經附他書後儒多以刪改生異議

皇上獨隆重定本一洗漢唐之陋而正後儒之譌六也
宋君臣黜孝經不設科者五百餘年

皇上一旦復古功在聖道功在萬世七也此其表章豈
僅科場出題已哉卽以科場題論亦自不少臣嘗比類
推擬約單句題二百零一道雙句題一百六十六道連
句題三百零九道摘段題一百六十八道搭截題七十
六道全章合章搭章題一百九十二道共約一千一百
一十二道臣恐以字數踰格煩
聖聰另送閣部以備聖明取覽該部酌覆之資蓋臣生
平精力專在於此六載林居萬念灰冷獨此羽翼孝經
孤志耿耿百折不變且妄謂
帝王治天下之孝弟德教禮樂刑政泰交功化無一不

備于孝經業箋輯孝經衍義外傳等書百十餘卷次第
垂成倘不卽填溝壑會當敬獻楓宸昔我
成祖謂孝經爲格言大訓而我

皇上亦曰所進孝經有裨治理倘忘臣之迂且愚而採
納之聖道之幸世道之福也臣之願也非所敢必也

付託甚重疏

文選司員外

奏爲社稷之付託甚重睿躬之調護宜周謹瀝愚悃仰
祈鑒納事竊惟
先帝嗣登寶位甫閱月矣而發帑撤稅用賢錄弃恤驛
矜罔種種善政日不絕書乃忽一朝上賓大小臣工以

明倫彙編 家範典 卷之一
及輿臺皂隸無不悲悼擗踊孺慕殷摯是大小司工以
殿下億萬世治安之基先皇啓之也中外臣民皆欲
殿下早正大位以膺帝眷頃臣隨諸臣後于慈慶宮門
舞拜山呼儼天顏于咫尺諸臣覩殿下粹潤之姿墨戚
之容俱手額稱慶以我君有子社稷之福也雖擇吉具
儀奉有令諭而人心激切瞻仰神器不可以虛當事諸
臣自有老成長慮無煩瀆奏矣惟是聖之玉且愚而料
殿下一身是
二祖列宗之所託脉先帝之所鍾慈而百官萬民遐邇
中外之所仰望者也起居宜慎問誰翼護飲食宜節問

誰視膳左右不得嘻笑于傍問誰釐肅侍御不得雜進
于前問誰防閑院大臣此際必費苦心九廟之靈實
式憑之天下有常有變有經有權則輪番入直宜于宮
門近地每日同科道官朝夕問慰凡所以開其心而定
其志安之貽而萌之消者無處不到寧太甚無敢忽寧
過計勿常格寧預圖無姑待而于
殿下尤宜不時召見商量大禮顧問政事宋儒有言人
主一日之間接賢士大夫之時多親宦官宮妾之時少
則可涵養氣質薰陶德性故諸臣之入直
殿下之召見非獨備阿護抑亦以廣聖聰也至于親近

內侍急擇老成忠謹者四五人各以姓名達之中外俾
曉然知以重厥任第不得干預政事卽嘗受民皆放
先帝付託以保護殿下者更宜倍加維持而益篤恪靜
一切用人行政小者由閣票擬大者覲面商確輿情必
協中旨必慎蓋防者不于著而于微杜者不于成而于
漸嗟乎仁聖中道崩殂日來中外率疑進御無節陰觸
有自雖悠悠之口未足盡憑而臣民抱終天之恨恐不
獨一御藥房之崔文昇也秉國鈞者必有以處矣猶有
說焉寺丞李可灼進藥罔效雖原心之無他亦何功之
可錄不問已矣又從而賚之文昇不誅可灼蒙賞賞罰

無章國無法矣選侍之封蒙旨另議具奏仰見殿下慎
重至意或卽先帝從鄭養性收回成命之意卽職堂官
周嘉謨等本中移宮之語誠爲篤論登極在邇移之此
其時矣職于今日惟願早嗣大寶慎加調護乘輿無輕
動一步女侍無雜進一人雖小事必由外擬頓笑不以
假人更望稍節哀痛以迓皇天之眷以慰先帝之託以
答天下之心是日也百官悲痛之誠翌戴之忱憂危之
思人有同心職情倍切職心倍苦用敢入議倘以職爲
小臣也是何足以知國家大計者而姑置之職滋懼矣

矢三不負疏

太常少卿

明倫彙編 家範典 卷之一
奏爲微臣忤璫久錮蒙恩踰涯謹先以三不負矢忠入
告事臣竊惟近日忤璫語幾成套矣然
皇上欲博觀廢臣始末臣敢不隨諸臣後據實直陳蓋
璫局摧折天下士大夫其開端毒手實從抑臣考功始
于是十年銓資九年長錮皆從臣始前此未有也緣臣
踪孤性執見忌非止一端一忌因臣在吏部搜叅吏弊
力絕請託卽座師同年絕不曲徇二忌因

先帝當

光宗鼎沸之日自官欲見爲中官所抑議論洶洶臣抗
議必候先帝御慈慶宮門行禮方退三忌因中官導先

帝幸小南城臣與同官手書約科道赴閣力爭止之四
忌因臣抗疏言近侍不得預政且有移宮語偶與楊漣
議同于是璫局兢兢視臣矣五忌因臣生伊維之鄉修
二程遺教且臣父勅旌孝子臣孔學孝友樹德素教甚
嚴臣頗知違時自砥于是有詆臣講學者六忌因臣與
馮從吾善臣作存古篇山東河南撫臣刊布內有從吾
叙文於是有勸臣毀板者七忌因臣爲王紀門人紀首
叅奸輔逆璫紀卒臣周旋保全其後人逆璫切齒八忌
因鹽臣李日宣疏薦理學內有臣姓名九忌因臣鄉建
祠迫令鄉紳助工臣里中獨無一人助工者臣實有璫

明倫彙編 家範典 卷之一
祠助工士風掃地之說傳聞逆黨嗔臣不通一字開名
送內有此九忌而臣果蒙推考功管計矯旨另推矣十
年首資長錮沉越且欲中以危法矣何幸聖明御極鋤
奸求賢衆正連茹臣何人斯亦蒙優起壘鄉旋改今職
伏念臣平生但知守拙有何才望踰涯至此愧無可以
報答恩遇惟願
皇上必爲堯舜諸臣必致皇上爲堯舜大家打起精神
從實做起無負

皇上德意夫臣輩平居誦讀簡冊中之堯舜以爲畢世
難逢何幸親見而可負耶豈其敢負豈其忍負且臣輩

身家性命何非從逆黨手中救回卽今膺仕已是長物
何復樹私營潤恐天地鬼神亦所不宥臣實憤之豈其
處獵虛望出負蒼生使天下不睹真儒作用謂此輩盡
盜虛聲也臣實耻之臣輩旣負

皇上且上公車者不免一槩感憤太過致蒙漸起疑厭
敢謂非諸臣自取雖然天下亦自有人彙征况多名賢
就中豈無鐵肝冷面忠猷識力足當信任者從今方是
幹濟名世開眼下手時節在
皇上留心徐察之而平觀之勿因一人可疑并疑人人
因一事可厭并厭事事將謂舉朝無一可信任之人恐

抵翼國本愛

君父明正學扶善類君子也反是小人也然而臭味中亦有敗類彼法中亦有偏才其辨當平有依附之正論反僨於駢枝相反之攻詆適足爲藥石其議當平卽等小人耳有徹底陰邪有喜事有寄人籬下有生平可觀誤墮脚跟其處當平無柰當國者旣一味調停而畛域太分營壘太堅搏擊太甚亦君子之過也厥後天若降一逆璫爲君子練骨力爲小人露面目而且借題阱正而且戴逆煽虐而且幾搖國社小人之案至此定矣皇上英明天縱誅逆鋤奸計典旣清逆案且竣卽有挂

漏要之非渠魁非顯跡何妨稍開一面小人之局至此結矣過此以後不惟門戶等字當撥棄不談卽崔魏三案等字亦當撥棄不談小人之葛藤至此斷矣凡此皆好事小人也從此君子必不可不盡內爲君子必不可不自思爲可內卽慮小人有燎原之火有暗弄之線有走險之戈然從來君子之勝小人惟在反其所爲不在角之必勝况天下事旣過便當罷手苦纏反覺無味若小人終伏不了殺機君子或執一成意見獨不見從前局面因親疑親因友累友玄黃相戰戈矛日起甚之不相干涉無不推擠一語持平卽遭排陷而其敗反不旋

踵何者不平故也畸嚴非平也畸寬非平也卽調停亦非平也平者水也衡也惟心如水平而後平惟秉心如秤不爲人所輕重而後爲真平惟平而後脉絡清反側消四虛無倚始爲國家做寔事試觀今日何等時耶皇上方焦勞於上諸臣反囂競於下今日言黨明日言門戶處無柁之漏舟旣鮮衣柳反群噪於中流遭破屋之風雨僅支一木堪操戈於同室臣所謂急宜將從前一切葛藤一筆勾斷打破籬籬蕩蕩平平人不論方域論邪正事不分氣味分是非念念從君父起見事事從職業寔做恩仇化而包荒寬平也小群渙而朋亡虛平

也中行公平也有孚利貞而和平正平也財成輔相食福元祉以保泰運平中寔事也方將使小人洗肺腸爲君子用平陂富隣復隍之足戒足恤乎哉詩云神之聽之終和且平和不但釜鬻並不面從不但水火並不雷同故曰上下交而其志同也志同者平實之源也是在

皇上提醒當國之擔任而已如

皇上鑒臣此疏頗關繫世道乞勅閣擬詳切

聖諭一通令內外大小衙門各懸當座共懲前車急急講求寔事毋得牽蔓從前葛藤泰運幸甚世道人心幸

甚

皇上與顯堂

具在

不雷同姑曰土不交而其志同也志同者平實之誠也

之滋味且平味不且不安醬並下面發不且不水火並

年于用平則富則貴則之且非且平其精云輸之顯

顯示顯以和泰軍中軍事也衣袂對小人我相顯益

出中亦公平也育字師真而味平五平也根如轉財食



